



***UKIUMOORTUMIK
NALUNAARUSIAQ 2010
KALAALLIT NUNAANNI
NAATSORSUEQQIS-
SAARTARFIK***

**UKIUMOORTUMIK NALUNAA-
RUSIAQ 2010**

**UKIUMOORTUMIK
NALUNAARUSIAQ 2010**

Kalaallit Nunaanni
Naatsorsueqqissaartarfimmit
saqqummersitaq
April 2011

Aamma nassaassaavoq uani:
www.stat.gl

Najugaq

KALAALLIT NUNAANNI
NAATSORSUEQQISSAARTARFI
K

Postboks 1025

3900 Nuuk

Tlf.: 36 23 60

Fax: 36 23 61

E-mail: stat@stat.gl

www.stat.gl

Siulequt

Matumuuna Kalaallit Nunaanni Naatsorsueqqissaartarfiup 2010-mut ukiumoortumik nalunaarusiaa saqqummiunneqarpoq.

Nalunaarusiami Kalaallit Nunaanni Naatsorsueqqissaartarfiup suliffeqarfittut suunera, tassunga ilaallutik aaqqissuussaananerup inatsisitigut tunngavia pisortaqaqarnermullu tunngassuteqartut kiisalu siulersuisut suliassanik tullerriiaarinerat nassuiarneqarput.

Taakku saniatigut nalunaarusiaq Kalaallit Nunaanni Naatsorsueqqissaartarfiup ukiumi qanoq ingerlasimaneranut misissuinermik, suliffeqarfiup aningaasaqarnikkut, inuttut inissatigullu isumalluutaanut takussutissianik kiisalu 2010-mi kisitsisitigut suliaqarnermut takussutissanik imaqarpoq.

Siulersuisut ukiumi qaangiuttumi Kalaallit Nunaanni Naatsorsueqqissaartarfiup eqqortumik piffissarlu eqqorlugu tunngaviatigut kisitsisitigut suliaqarnera immikkut isiginiarsimavaat. Siulersuisut Anders Blaaberg ukiuni sisamani atuuttussamik naatsorsueqqissaartarfimmi pisortatut nutaatut 2010-mi atorfinitsippaattaaq.

2010-mi missingersuutinik sippuinerup kingornagut aningaasaqarnerup iluarseqqinnissaa 2011-mi immikkut anguniarneqarpoq. Tunngaviatigut naatsorsueqqissaarneq pitsanngortinniarlugu suli immikkut suliniartoqassaaq. Taamaammat Kalaallit Nunaanni Naatsorsueqqissaartarfiup suliffeqarfiit isertittakkaminnit matussuserneqartartut killeqartuinnarmik amerlisarniarpaat.

Siulersuisut kissaatigaat ukiumoortumik nalunaarusiaq Kalaallit Nunaanni Naatsorsueqqissaartarfiup suliaanut ilisimasaqarnerulernissamat iluaqutaajumaartoq.

Vøgg Løwe Nielsen
Siulersuisuni siulittaasoq

Ujarliutit

1. Kalaallit Nunaanni Naatsorsueqqissaartarfiup suliassai aqunneralu	7
1.1 Pingaarnertut suliassat	7
1.2 Siulersuisut suliassai katitigaanerallu	7
1.3 Ukiumut tulliuttumut neriuutigisat	8
<hr/>	
2. Kalaallit Nunaanni Naatsorsueqqissaartarfimmi ukioq qaangiuttoq	10
2.1 Aningaasaqarnikkut nukiit atorneqartussat	10
2.2 Sulisoqarneq	11
2.3 Inissatigut isumalluutit	12
2.4 Naatsorsueqqissaarnermik paasissutissiisarneq	11
2.5 Naatsorsueqqissaarnermik suliaqarneq	15
2.6 Suliassat suliakkiissutaasut	17
2.7 Naatsorsueqqissaartarfiup nunani tamalaani peqataanera	18
<hr/>	
3. Tapiliussaq	19

1. Kalaallit Nunaanni Naatsorsueqqissaartarfiup suliassai aqunneqarneralu

<i>Kalaallit Nunaanni Naatsorsueqqissaartarfik</i>	Kalaallit Nunaanni Naatsorsueqqissaartarfik (KNN) Kalaallit Nunaanni pisortatigoortumik naatsorsueqqissaarnernut qitiusumik oqartussaasuvoq. KNN-p inuiaqatigiit tungaasigut ineriartornerup, politikikkut aqutsisoqarnikkullu aalajangiinerit kiisalu pilersarusiornerit misissoqqissaarnissaannut paasissutissatigut tunngavigineqartut qulakkeerneqarnissaat anguniagaraa.
<i>Aqutsisoqarneq</i>	Kalaallit Nunaanni Naatsorsueqqissaartarfiup pingaarnertigut akisussaaffigineqarne- ra siulersuisunit isumagineqarpoq, taakkulu tallimanik ilaasorta qarput inuiaqatigiinni pissutsinik ilisimasaqartunik. Ulluinnarni aqutsisoqarneq naatsorsueqqissaartarfimmi pisortaasumit isumagineqarpoq, taassumalu suliffeqarfik avammut nittarsaat-tarpaa.
<i>Naatsorsueqqissaartarfimmi pisortaq nutaaq</i>	Naatsorsueqqissaartarfimmi pisortatut atorfimmuut piukkunnaatillit oqaluutereerlugit Namminersorlutik Oqartussanut Anders Blaabjerg ukiuni sisamani atuuttussamik 1. december 2010-mit Kalaallit Nunaanni Naatsorsueqqissaartarfimmi pisortassasut nu-taatut siulersuisut inassutigaaat. Anders Blaabjerg Peqqissutsimut Pitsaaliuinerimullu Aqutsisoqarfimmi aningaasaqar- nermut pilersarusiornerimullu pisortatut atorfeqarsimavoq. 1993-imi Aarhus Uni- versitetimi cand.oecon.-itut ilinniarsimavoq. 1996-imi Kalaallit Nunaannut pinermi kingorna ilaatigut aningaasaqarnermut pisorta qarfimmi fuldmægtigit, KANUKO- KA-mi seniorkonsulentitut naalakkersuisullu allattoqarfianni aningaasaqarnermullu pisorta qarfimmi immikkoortortami pisortatut atorfeqartarsimavoq. Anders Blaabjer- gip Per Lyster Pedersen ukiuni kingullerni tallimani naatsorsueqqissaartarfimmi pisortatut atorfeqarsimasoq paarlappaa.
<i>Aaqqissuussaanikkut inissisimaneq</i>	Kalaallit Nunaanni Naatsorsueqqissaartarfik aaqqissuussaanikkut Aningaasaqarner- mut Naalakkersuisoqarfiup ataanippoq.

1.1 Pingaarnertut suliassat

Pingaarnertut suliassat Inatsisartut inatsisaanni nr. 5, 19. juli 1989-imeersumi taku-neqarsinnaapput. Inatsit Inatsisartut Naatsorsueqqissaartarfik pillugu inatsisaatigut nr. 11, 29. oktober 1999-imeersutigut 1. januar 2000-imi atuutilersutigut allangor-tinneqarpoq.

Inatsit naapertorlugu KNN Kalaallit Nunaanni inuiaqatigiinni pissutsit pillugit kisitsi-sitigut paasissutissanik katersuinermigut suliqarnermigullu tamanut saqqummiussi-sussaaavoq. KNN aamma akilerneqarluni kisitsisitigut paasissutissanik katersuilluni, suliqarluni tamanallu saqqummiussisinnaavoq. Kiisalu KNN nunani tamalaani naat-sorsueqqissaarneq pillugu suleqatigiinnermut atatillugu suliassanik isumagisaqarpoq.

1.2 Siulersuisut suliassat katitigaanerallu

Siulersuisut suliassat Siulersuisut suliassat Inatsisartut inatsisaanni nr. 11, 29. oktober 1999-imeersumi takuneqarsinnaasut ukuupput:

- Kalaallit Nunaanni Naatsorsueqqissaartarfimmut pingaarnertut akisussaaffik isumagissallugu
- Naatsorsueqqissaarnerit tamaneersut katiternissaannut siunnersuuteqassal-lutik

- Kalaallit Nunaanni Naatsorsueqqissaartarfik anguniakkanut aalajangersak-kat naapertorlugit sulinersoq nakkutigissallugu
- Suliniuteqarfigineqartunut piffissaq ungasinnerusoq isigalugu Kalaallit Nunaanni Naatsorsueqqissaartarfiup pilersaarusionera akuersissutigissallugu
- Kalaallit Nunaanni Naatsorsueqqissaartarfiup sulinissamut pilersaarutai akuersissutigissallugit
- Ukiumut ataasiartumik suliffeqarfiup sulinera pillugu inatsisartunut nalunaarummik tunniussaqaartarnissaq

Siulersuisut katitigaanerat Siulersuisut 2010-p naanerani ukunannga inuttaqarpur:

- Allaffimmi pisortaq Vøgg Løwe Nielsen, Danmarks Statistik
- Direktør Henrik Leth, Sulisitsisut / Grønlands Arbejdsgiverforening
- Immikkoortortami pisortaq Lisbeth Møller Jensen, Akileraartarnermut Aqut-sisoqarfik
- Naalakkersuisoqarfimmi pisortaq Christel Lund Jæger-Hansen, Inuussutis-sarsionermut Suliffeqarnermullu Naalakkersuisoqarfik
- Souschef Karl Davidsen, KANUKOKA

Kalaallit Nunaanni Naatsorsueqqissaartarfimmut siulersuisut 2010-mi pingasoriarlutik ataatsimiippur. Siulersuisut 2010-mi immikkut isiginiarsimavaat Kalaallit Nunaanni Naatsorsueqqissaartarfiup aningaasaqarnera, tassunga ilaallutik suliarineqartut nukiillu atorineqartut imminnut ataqatigiinnissaat. Taakku saniatigut saqqummersitsinissamut piffissaliussanik aalajangerneqareersunik eqqortitsiniarnissaq aammalu ukiumi killilinnik atorfinitsitsinerup naanerani naatsorsueqqissaartarfimmi pisortatut atorfiup inuttalernissaa siulersuisut immikkut isiginiarsimavaat.

1.3 Ukiumut tullittumut neriutigtisat

2011-mi kisitsisinik piniartarnerup paasititsiniaanerullu nukittorsarnissaat siunertaralugu Kalaallit Nunaanni Naatsorsueqqissaartarfimmi suliaasaqarfinnik arlalinnik toqqaasoqarpoq.

*Tuungaviusunik
naatsorsueqqissaarnerit
immikkut
isiginiarneqarnerat*

Kalaallit Nunaanni Naatsorsueqqissaartarfiup 2011-mi tunngaviusunik naatsorsueqqissaarnerit aalajangersimasumillu ukiumoortumik suliaakkiissutaallutik suliarineqartut salliutillugit suliariniarpai. Kalaallit Nunaanni Naatsorsueqqissaartarfik suliaakkiissutaasunik tunngaviusumik naatsorsueqqissaarnermi suliaasanut pilersaarusionermut naapertuussinnaanerat malillugu suli suliaqartarsinnaassaaq. 2011-mi paasissutissanut KNN-imit suliarineqarsimasunut ilisimatut aqut-sisoqarfiullutillu oqartussat isersinnaanerinit, atuisarnerinit akiliuteqartarnerannullu maleruagassanik suliaqartoqassaaq.

*Atuisut
peqataatinneqarnerat
ineriartortitsinerlu*

Naatsorsueqqissaarnerit atorineqartussaappur; taamaattumik atuisut naatsorsueqqissaarnerup anguniagaqarfinngortinnissaanut ikiuttariaqarpur. 2011-mi nuna tamakkerlugu naatsorsuisarnerup ineriartortinnissaa eqqarsaatigalugu inunnik aalajangersimasunik suleqateqarneq ingerlaannassaaq. Taamatuttaaq takornariaqarnermut, isumaginninnermut, pinerluuteqarsimanermut suliffissaarunnermullu naatsorsueqqissaarnermut allannguutissanut pilersaarutaasunut atatillugu atuisunik paasissutissanillu tunniussisartunik qanimut suleqateqarnissaq ilimagineqarpoq.

*Paasissutissanik
nalunaaruteqartarneq*

Kalaallit Nunaanni Naatsorsueqqissaartarfik paasissutissanik tunniussisartut sulinersa oqilisaaffigineqarnissaanik peqataanillu tatiginartunik tunniussisarnerup qulakkeerneqarnissaanik kissaateqarpoq. 2011-mi pinerluuteqarsimanermut takornariaqarnermullu naatsorsueqqissaarnermut paasissutissat suliffissaarunnermullu naatsorsueqqissaarnermut paasissutissat suliffissarsiuussisarfinneersut qarasaasiakkut nasinneqarsinnaanersut immikkut isiginiarneqassaaq.

*Sulisussarsiortarneq
aningaasaqarnerlu*

Kalaallit Nunaanni Naatsorsueqqissaartarfiup anguniagaraa sulisunik suliffeqarfiup anguniagaanik eqqortitsisinnaasunik sulisussarsiortarnissaq sulisunillu taakkuninnga

peqartuaannarnissaq. 2010-mi missingersuutiniq malunnartumik sippuisoqareerneratigut 2011-mi aningaasaliissutit eqqortinneqarnissaat immikkut anguniarneqarpoq. Aningaasaqarnerup pitsannogorteqqinnissaa anguniarlugu 2011-mi akissarsianut aningaasartuutit 2009 aamma 2010-misut appasitsigalutik qaffasissuseqalernissaat anguniarneqarpoq, taamani aningaasaliissutitut sanilliullugu KNN-mi sulisut amerlavallaarsimammata.

2. Kalaallit Nunaanni Naatsorsueqqissaartarfimmi ukioq qaangiuttoq


2.1 Aningaasaqarnikkut nukiit atorpeqartussat

Kalaallit Nunaanni Naatsorsueqqissaartarfik sulianut pilersaarusiamik aalajangersaarsarpoq, taannalu aningaasaliissutinik ukiumoortumik aningaasanut inatsit aqqutigalugu tunniunneqartunit suliassanillu suliakkiissutaasunit isertitanit aningaasalersorneqarpoq. 2010-mi aningaasaliissutit 10.668 tkr.-iupput 850 tkr.-nit ilassutitut aningaasaliissutit ilanngullugit.

Takussutissiaq 1 2006-2010-mut naatsorsuutitut kisitsisit 2011-lu missingersuutitut kisitsisit tkr.-inut

	2006	2007	2008	2009	2010	2011
Akissarsiat	6 650	7 330	8 068	10 552	10 721	9 774
Ingerlatsinerit allat	2 707	2 994	2 879	3 419	2 022	1 836
Isertitat	341	1 147	1 661	3 524	1 903	1 652
Aningaasaliissutit	9 199	9 300	9 611	10 095	10 668	9 958
Sinneqartoorutit	182	123	325	-352	-172	
IST	9 017	9 177	9 286	10 447	10 840	9 958

Titartagaq 1 Naatsorsuutitut missingersuutinnullu kisitsisit naleqqersuutitut malinnaasitat 2006-2011



Missingersuutini sippuineq

Kalaallit Nunaanni Naatsorsueqqissaartarfimmut siulersuisut 2010-mi aggustimi ataatsimiinnermi ilisimatinneqarput ukioq annikinnerusumik sinneqartoorfiulluni qaangerneqarnissaa ilimanartoq. Taamaakkaluartoq ukiup naalernerani ilassutitut aningaasaliissutit 850 tkr.-nit pisariaqarsimapput, KNN-lu ukioq naavaa missingersuutit 172 tkr.-inik amerlanernik sipporsimallugit.

Sippuinnermut pissutaavoq missingersuutaasunit akissarsianut aningaasartuutit qaffasinnerusimammata peqataanillu missingersuutitut naammangitsumik malinnaasorsimannara. Akissarsiat eqqarsaatigalugit missingersuutini sippuinnermut pissutaanerpaanut ilaavoq 2009-mi suliakkiissutaasunit immikkut ittumik qaffasissumik isertitaqartoqarneratigut sulisunik naammattumik ikilisaasorsimanninnera.

Missingersuutini aningaasartuutit nutaat

KNN-ip 2008-p aallartinnerani Ilimmarfimmumut nuunnerata kingorna illuutini ingerlatsinnermut ukiumut 350 tkr.-inik aningaasartuuteqartarpoq. Peqataanik KNN piuffigineqarsimavoq nutserinernut aningaasartuutit nammineq isumagissagai,

taamaammallu suliffiup iluani nutserisoqarlutik. Aningaasartuutit taakku aningaasartuutitut killiliussat iluanni isumagineqartussaapput.

Tamakku saniatigut Kalaallit Nunaanni Naatsorsueqqissaartarfimmut aningaasaliisutit 313 tkr.-inik annikillisinneqarsimapput Namminersorlutik Oqartussat utaqqiisaasumik inissianut aaqqissuussinerisa qitiusumik aqunneqalernerisa kingunerisaa-nik.

2.2 Sulisoqarneq

Ukiumut sulisorisat amerlassusaat 22,1-iupput

Sulisunik atuineq 2010-mi ukiumut sulisorisat amerlassusaannik 22,1-imik naleqarpoq, taakkulu aalajangersimasumik atorfeqartitanut 18,6-iuvoq tiimimusiaqartunullu 3,5-iulluni, tassalu katillugit 22,1-iullutik. Sulisunut takussutissiaq qupperneq 18-mi takuneqarsinnaavoq.


31. december 2010-mit sulisorineqarput pisortaq, souschefi ataaseq, sulisorisat sisamat immikkut siunnersortitut atorfeqartut, siunnersortit arfineq-marluk, paasissutissiisartut marluk, nutserisoq ataaseq, allaffimmiut marluk kiisalu sulisut tiimimusiaqartut pingasut.

Sulisut ilinniagaat, oqaasii, arnaanerat/langutaanerat ukiuulu

Sulisut 66,6 pct.-ii marluinnik oqaaseqartuupput kalaallisut ilitsoqqussaralugu oqaaseqartuullutik, 33,3 pct.-iilu danskisut ilitsoqqussaqarput tuluttut oqaatsit takornartat oqaasiisut sallersaallutik. Angutit arnallu naligiingajapput angutit 11-iullutik arnallu 10-iullutik. Agguaqatigiissillugu utoqqaassusaat 39-iupput utoqqaassutsillu agguataarnerat takussutissiaq 3-mi takuneqarsinnaapput.

Titartagaq 2

Sulisorineqartut utoqqaassusaannut agguataarlugit. 31. december 2010 aallarnerfigalugu



Atorfeqarsimanagerup agguaqatigiissillugu siviussusiat aalajaatsoq

2010-mi aalajangersimasumik atorfillit pingasut Kalaallit Nunaanni Naatsorsueqqissaartarfimmi suliunnaarput marlullu sulilerlutik. Naak taamatut taarseraattoqarluartoq atorfeqarsimanagerup agguaqatigiissillugu agguaqatigiinnera aalajangersimasumik atorfeqartunut ukiup naalernerani qaammatit 50-t missaanniippoq, affarmillu atorfeqartitsineq qaammatini 39-iniilluni.

2.3 Inissatigut isumalluutit

Kalaallit Nunaanni Naatsorsueqqissaartarfik 2008-p qiteqqunneraniilli Ilimmarfiup ilaani kalaallit ilisimatusarnermik suliaqartut arlaqartut allat peqatigalugit inissisimavoq. KNN illorsuit ilaanni C-mi quleriaat pingajuanni inissisimavoq aqqanilinnik allaffiuteqarluni, marlunnik ataatsimiittarfuteqarluni arlalinnillu toqqorsiviuteqarluni.

Illumik ingerlatsineq Ilimmarfimmi teknikimut immikkoortortamit isumagineqarpoq. Kalaallit Nunaanni Naatsorsueqqissaartarfup 2012-imi illoqarfiup qeqqani Namminersorlutik Oqartussat allaffissarsuata atoqqaartinneranut atatillugu nuunneqarnissaa eqqarsaataavoq, tassami taamaaliornikkut attartornerit nutaat perneqartussatut ilimagineqarmata.



2.4 Naatsorsueqqissaarnermik paasissutissiisarneq

*Qarasaasiatigut
paasissutissiineq*

Ilisimasat KNN-p pilersittagaasa inerneru sapinngisamik qarasaasiatigut tusagassiiviit aqqutigalugit tamanut saqqummiunneqartarput. KNN 1998-imiilli nammineq nittartagaqarpoq, tak. takussutissiaq 4.


Titartagaq 3

Kalaallit Nunaanni Naatsorsueqqissaartarfup nittartagaq kisitsisaateqarfialu. Februar 2011



2010-mi quppernerit 373.012-it <http://www.stat.gl>-imi takutinneqarput 2009-mi 252.305-iusimallutik, tassalu 48 procentimik tamanna siuariarneruvoq.¹ KNN qarasaasiatigut paasissutissanik nalunaarfigittarnermik annertunngitsumik atuivoq; taamaallillutik atuisut kisimiinnatik paasissutissanilli tunniussisartut nittartakkamik atuinermut peqataapput.

¹ Hit-imut kisitsisit Kalaallit Nunaanni Naatsorsueqqissaartarfup CMS-systems-imi pulaartunut kisitsisaaneersuupput, tassanilu "page views by month"-ikkaarlugit kisinneqarsinnaapput. Assersuutigalugu pulaartoq www.stat.gl-ip saqqaanut "Naatsorsueqqissaartarfik pillugu"-mut iseruni taavalu "Sulisunik ilisarittisineq"-mut iserluni, tullianilu pulaartoq browseri matuppagu page views-inik pingasunik (quppernertut pingasutut) naleqassaaq kisiannili pulaartutut ataasiinnartut nalunaarneqarluni.



Ukiumoortumik kisitsisitigut paasissutissat pillugit atuakkap allatut saqqummersinneqarnera

Kalaallit Nunaanni Naatsorsueqqissaartarfiup 2010-mi *Ukiumoortumik kisitsisitigut paasissutissanik* pisarneq malillugu naqitatut ukiumoortumik saqqummertartumut taarsiullugu qarasaasiakkut saqqummersittalerpaa. Qarasaasiakkut saqqummersitaq isaaffittut <http://new.stat.gl-imi> aqqissuussaavoq, tassanilu ukiumoortumik saqqummersitami kapitalit takussutissiani qulequtallit tabebilillu ajornanngitsumik takuneqarsinnaapput naatsorsuutinillu atuisuinut nassaariuminartuullutik. Qarasaasiakkut ukiumoortumik saqqummersittagaq kalaallisut, danskisut tuluttullu atuarneqarsinnaavoq. *Ukiumoortumik kisitsisitigut paasissutissat*-ni kapitalit ataasiakkaat ukiumut ataasiarlugit iluarsanneqartarput suliaqarnissamut pilersaarutaasoq Kalaallit Nunaanni Naatsorsueqqissaartarfiup nittartagaani atuarneqarsinnaasoq malillugu.

Quppersagaq tuluttut oqaasertalik nuannarineqartoq

Greenland in Figures, Kalaallit Nunaanni Naatsorsueqqissaartarfiup tuluttuinaaq oqaasertalerlugu quppersagaliala 2010-mi aamma saqqummersinneqarpoq. Saqqummersittagaq tuluttut oqaaseqarlutik atuartartunut kalaallinut inuiaqatigiinnut oqimaqatigiissumik paasinninnissamut kisitsisitigut naatsumik paasisaqarnissamik imaqarluni nuannarineqartuuvuq.

Saqqummersittakkat

2000-imiilli Kalaallit Nunaanni Naatsorsueqqissaartarfiup saqqummersittagai tamarmik akeqanngitsumik pdf-filitut nittartagaq aqutugalugu pissarsiarineqarsinnaapput.

2010-mi KNN suliassanut pilersaarut malillugu *Greenland in Figures* aamma *Ukiumoortumik kisitsisitigut paasissutissat* qarasaasiakkut saqqummerseqqinnerat ilanngullugit 38-nik saqqummersitsisussaavoq. Taakkunanga 58 pct.-it piffissaq eqqorlugu imaluunniit ullunik ikittuinnarnik kinguaattoorlutik saqqummerput, soorlu tamanna ataani takussutitassiaq 2-mi takuneqarsinnaasoq.

Takussutissiaq 2

Saqqummersittakkanut piginnittussaanerit 2010

	Saqqummersitat amerl.
Piffissaq eqqorlugu saqqummertut	20
Sap.akunnera angullugu kinguaattoorlutik saqq.	2
Qaammat ataaseq angullugu kinguaattoorlutik saqq.	8
Qaammat ataaseq sinnerlugu kinguaattoorlutik saqq.	2
2011-mi saqqummertussatut naatsorsuutig.	6
Katillugit	38

Kisitsisaateqarfik

Saqqummersittakkat saniatigut kisitsisaateqarfimmi tabelini arlalinni paasissutissat immikkuualuttortaqarnerit nassaassaapput. Kisitsisaateqarfimmut Kalaallit Nunaanni

Naatsorsueqqissaartarfiup nittartagaa aqutigalugu imaluunniit <http://bank.stat.gl>. toqqaannartumik iserfigalugu isertoqarsinnaavoq. 2010-p naalernerani kisitsisaateqarfimmik atuisartut tabelit 100-t assigiinngitsut akornanni ujaasisinnaapput.

Kisitsisaateqarfimmi kisitsisaatigineqartut aaneqarsinnaapput atuisullu namminneg programiutaani imaluunniit periarfissat allat kisitsisaateqarfiup atuisunut quppersaagaaniittut atorlugit suliarineqarsinnaallutik.

Kisitsisaateqarfimmik nutaamik pilersitsiniarluni sulineq decembarimili aallartissimagaluarpoq, kisitsisaateqarfimmullu nutaamut tabelinik nuussuineq aallartinniariartoq kisitsisaateqarfitoq atorsinnaajunnaarpoq. Taamaammat paasissutissanik nuussuinerup nalaani tabelit amerlanngitsut piffissap ilaani iserfigineqarsinnaasimapput.

2010-mi upernaakkut kisitsisaateqarfiup teknikikkut atortorissaarutaata pitsanngortinneratigut atortoq nutaaq atorineqalerpoq. Tabelini tamani oqaatsit pingasut atoneqarput: Kalaallisut, danskisut tuluttullu.

2010-mi tabelit katillugit 23.059-it aaneqarput, taakkunannga 60 pct.-it inoqarfinnut attuumassuteqarlutik. Tabelinit tamarmiusunit 84 pct.-it danskisut, 14 pct.-it tuluttut 2 pct.-illu kalaallisut aaneqartarput. Paasissutissanik aallertarnerup agguataarne- ra takussutissiaq 3-mi takuneqarsinnaavoq.

Takussutissiaq 3

Kisitsisinut toqqorsivimmi paasissutissanik aallertarnerit amerlassusii sammisanut oqaatsinulu agguataarlugit. 2010

Sammissaq	Danskisut	Tuluttut	Kalaallisut	Katillugit
Suliffeqarnej	843	123	30	996
Innuttanut tunngasut	11 814	1 933	154	13 901
Ineqarnej	778	114	13	905
Aalisarnej	848	160	48	1056
Ataatsimut	193	15	12	220
Nunanik allanik niueqateqarnej	336	122	1	459
Isertitat	946	119	6	1071
Pinerluttulerineq	342	19	9	370
Avatangiisit nukissiuutilu	236	85	21	342
Nuna tamakkerlugu naatsorsuutit	230	27	2	259
Pisortat aningaasaqarnerat	396	71	3	470
Akit	929	56	10	995
Naatsorsuutitut kisitsisit	226	73	4	303
Isumaginninnikkut ikior-siissutit	275	60	4	339
Peqqinnissaq	137	29	6	172
Takornariaqarnej	357	220	2	579
Ilinniartitaaneq	353	40	11	404
Qinersineq	196	11	11	218
Katillugit	19 435	3 277	347	23 059

Kalaallit Nunaanni Naatsorsueqqissaartarfiup kisitsisinik takussutissiortarnerup ataqatigiissumik atuisunullu atoruminartumik isaavilerlugu ataatsimoortinneqalernissaa sulissutigivaa.

It pillugu aaqqiissutissaq nutaaq

Kalaallit Nunaanni Naatsorsueqqissaartarfiup it pillugu aaqqiissutissaanut akisussaafik 2010-mi januaarimi Kalaallit Nunaanni Namminersorlutik Oqartussat it-mut allattoqarfiannit isumagineqalerpoq. Tamanna imatut paasisariaqarpoq naatsorsueqqissaartarfiup it-mik kiffartuunneqarnerata annersaa Inu:IT A/S-imit Namminersorlutik Oqartussanut kiffartuussinissamik isumaqatigiissuteqartunit isumagineqartussaammat. It-mut aaqqiissutissat qitiusumik aqunneqalernerisigut Kalaallit Nunaanni Naatsorsueqqissaartarfiup qarasaasiatigut atortuisa ingerlanneqarnerisa isumannaanerulernerat anguneqarpoq.

KNN tamakku saniatigut Citrix-imik qarasaasiatigut aaqqiissutissaq pillugu immikkut ittumik isumaqatigiissuteqarsimavoq, tamassumalu kinguneraa siunnersortit avataaneersut, soorlu Danmarks Statistik-imeersut, KNN-p qarasaasiaanit programminik atuisinnaangussammata namminneq qarasaasiatik atorlugit. Aaqqiissutissaq atorlugu KNN-p sullitaasa pitsaanerusemumik kiffartuunnissaat periarfissaqalerpoq.

Unnuk kulturisiorfik oqalugiarnertillu

Kalaallit Nunaanni Naatsorsueqqissaartarfik naatsorsueqqissaatarfiup sulineranut kikkut tamarmik paasisaqarnerunissaat siunertaralugu januaarimi arfininngornermi kingullermi unnuk kulturisiorfiusumut peqataasarpoq. Taamaaliornikkut 2010-mi aamma Ilimmarfimmi aaqqissuussineq ornigarluarneqarpoq.

Taamatutaaq KNN' 2010-mi ilinniartunut oqalugiartarnernik paasititsiniaanernillu aallartitsisimavoq.

Oqaatsit pillugit inatsit nutaaq

Oqaatsinut politikki pillugu Inatsisartut inatsisaat nr. 7, 19. maj 2010-meersoq naapertorlugu Kalaallit Nunaanni Naatsorsueqqissaartarfik oqaatsinut politikkimik suliaqarsimavoq.

2.5 Naatsorsueqqissaarnermik suliaqarneq

KNN-p saqqummersitsisarnera amerliartuinnartunik saqqummersitsisarnermik pitsaasumik ineriartorpoq, soorlu tamanna takussutissiaq 4-mi takuneqarsinnaasoq. Kalaallit Nunaanni Naatsorsueqqissaatarfiup saqqummersitsisarneranut takussutissiaq immikkuualuttortalik ukiumoortumik nalunaarusiap matuma tapiliussartaani takuneqarsinnaavoq.

Takussutissiaq 4

Kisitsisitigut paasissutissat malillugit saqqummersitat pigineqartut pilersaarutaasullu amerlassusaat. 2009-2011

	2009	2010	2011
Ukiumoortumik saqqummersitakkat	2	2	2
Suliffeqarnikkut kisitsisit	6	9	15
Aningaasaqarnikkut kisitsisit	17	20	18
Inunnut kisitsisit	8	7	8
Katillugit	33	38	43

Aningaasaqarnikkut kisitsisit atorlugit naatsorsuusi

Aningaasaqarnermut naatsorsuusiannut ilaapput nuna tamakkerlugu naatsorsuutit, suliffeqarfiit naatsorsuutaat, pisortat aningaasaqarnikkut naatsorsuutaat, nukissiutinut naatsorsuutit, nunanut allanut niuernermit naatsorsuutit / akiliisarnerup naliigiissinneranut naatsorsuutit, takornariaqarnermut kiisalu akinut naleqqersuutit pingasut kisitsisaat.

Nuna tamakkerlugu naatsorsuutit

Aningaasaqarnerup iluani sulinermi 2006-imiilli nuna tamakkerlugu naatsorsuutinut takussutissanik suliaqarnissaq qitiutinneqarsimavoq, ukiorlu 2004 pillugu tamanut 20090-mi saqqummersitsisoqarpoq. Sulineq sulisunik nukissanillu amigaaqarneq pissutaalluni pingaartinneqarsimanngilaq, 2010-mili nuna tamakkerlugu naatsorsuutinik suliaqarnerup ingerlaqqinnissaanut pilersaarummik aalajangiisoqarpoq, tamatumalu kinguneraa 2011-imi ukiup affaani siullermi 2003-2005-imut inaarutaasumik kisitsisinik aammalu 2006-2009-mut kisitsisaagallartunik saqqummersitsisoqarsinnaanissaa.

Suliffeqarfiit naatsorsuutaannik naatsorsueqqissaarnerit nuna tamakkerlugu naatsorsuutinut takussutissanik suliaqarnermut ilaapput, taamaattorli misissueqqissaarnissami immikkut soqutiginaateqarlutik. 2010-mi saqqummersitanik marlunnik

saqqummersitsisoqarpoq, ataaseq marsimi saqqummersoq 2006-2007-imut tunngasoq ataaserlu oktobarimi 2008-mut tunngasoq.

*Pisortat
aningsaasaqarnerat*

Pisortat aningsaasaqarnerisa naatsorsoqqissaarneranni kommunit, namminersorlutik oqartussat pigisaanni naalagaaffiullu pigisaanni aningsaasaqarneq kiisalu pisortat Kalaallit Nunaanni ataatsimoortumik ingerlatsinerat kiffartuussinerallu erseqqissarneqarput. 2010-mi Pisortat Aningsaasaqarnerat 2009 kiisalu 2010-mut Pisortat Ingerlatsinerannut Kiffartuussinerannullu Missingersuutit saqqummersinneqarput.

Pisortat aningsaasaqarnerinut kisitsisit 2011-mi kukkunersiorneqarnissaat pilersaarutaavoq. Kukkunersiuinerup kingunerissavaa siunissami pisortat ataatsimoortumik kisitsisaataat takussutissartaqalissammata. Tamatuma saniatigut pisortat aningsaasaqarnerannut nunalu tamakkerlugu naatsorsuutininut ataqatigiittoqalernissaa anguneqassaaq.

Nukissiuuteqarneq

Nukissiuutininut kisitsisini nunap iluani namminermi nukissiuutininik atuineq erseqqissarneqarpoq. Kisitsisit Ineqarnermut, Attaveqarnermut Angallannernullu Naalakkersuisoqarfiup suliakkiineratigut suliarineqarput. 2010-mi Nukissiuutininik atuineq - 2009-mi eqqussuineq nioqquteqarnerlu saqqummersinneqarpoq. Naatsorsueqqissaarnermi tassani kisitsisaatit ilaatigut nuna tamakkerlugu naatsorsuusiorderup suliarinerani atorineqarput.

Takornariaqarneq

2010-mi 2009-mi Unnuisarnermut Kisitsisit kiisalu 2010-mi ukiup affaani siullermi Unnuisarnermut Kisitsisit saqqummerput. Kisitsisit taakku pilersaarutit malillugit saqqummersinneqarput, kisiannili ilaatigooiarlutik paasissutissaaleqinermik eqqor-neqartarlutik.

Kalaallit Nunaanni Takornariaqarnermut Inuussutissarsiornernullu Siunnersuisoqatigiit takornarissat unnuisarnerinut Kalaallit Nunaanni Naatsorsueqqissaartarfik tamakkiisuunngitsumik naatsorsuisimaneranik tusagassiuutitigut isornartorsiorpaa, tassami takornarissat kajumissutsiminnik namminneerlutik immersuinerat aallaavigineqartussaammata. Tamanna eqqunngilaq: Hotelini unnuisarnermut kisitsisit unnuiffigineqartartunit nalunaarutigineqartuniit aallaaveqarput, taakku tikeraartut qassiunerannik, qasseriarluni unnuisoqarsimaneranik tikeraartullu suminngaanneersuunerannik Kalaallit Nunaanni Naatsorsueqqissaartarfimmumut nalunaaruteqartarnissamik pisussaaffeqarput.

Timmisartunut ilaasunut kisitsisit akerlianik oqaloqateqartarnernik ilaasunullu apeqqutininut immersuiffissanik aallaaveqarput. Taamaaliornermi siunertarineqarpoq angalasut qassit Kalaallit Nunaaliartut Kalaallillu Nunaanneersut takornariaanersut missingiinissamut paasineqarnissaat, ilaatigullu takornarissat ukiuinut aammalu ulloq unnuarlu atuinerinut paasissutissanik pissarsiniarnissaaq. Tamatuma tungaatigut Timmisartunut ilaasunut 2006-2010-mi ukiup affaani siullermi kisitsisit saqqummersinneqarpoq.

Takussutissianut saqqummersitaq, Takornariaqarneq kisitsisinnorlugu 2006-2010, aggustimi saqqummersinneqarpoq.

Akit nalingat

Akit nalingat ukiup affakkaartumik saqqummersitamit naatsorsuusiorderneqartarpoq. Ukiut siulii assigalugit Danmarks Statistik paasissutissat ilaannik suliaqarpoq, ilaatigut 2004-mut nuna tamakkerlugu naatsorsuusiordernermut atatillugu FN-ip naatsorsueqqissaartarnerani nunani tamalaani aalajangersimasumik atorineqartoq malillugu (COICOP) naleqqersuutininut atorineqartartumi naatsorsuinerit nuussinerillu. Sanaartornermi aningaasartuutininut naleqqersuut saqqummersitanut ukiup affakkaartunut marlunnut saqqummersinneqarpoq.

*Imigassanut kisitsisit,
nunanut allanut niuernerneq
akiliisarnerullu naligiissin-
nera*

Kalaallit Nunaannut imigassamik eqqussuineq pillugu saqqummersitaq 2009-mi apriilip naalernerani saqqummersinneqarpoq. 2010-mut imigassaq pillugu kisitsisini siusinnerusukkut nunap assinga atorlugu kommuninut agguataarisarneq atorineqanngilaq, tassani kommunimi ataatsimi eqqussuineq kommunimut allamut ingerlateqqinneqarsinnaammata.

Kalaallit Nunaanni Naatsorsueqqissaartarfik nunanut allanut niuerneq pillugu kisitsisinik kvartalit allortarlugit saqqummersitsisarpoq. Ukiumut saqqummersitassat sismaasut piffissaq eqqorlugu saqqummersinneqarput. Tamatuma 2011-mi annertuumik misissuiffigineqarnissaa pilersaarutaavoq.

Akiliisarnerup naligiissinneranut oqimaqaatigiissitsinerit naatsorsuutininut takussutis-sanik suliaqarnerit nuna tamakkerlugu naatsorsuutininut ilaapput, taamaattorli misissueqqissaarnissami immikkut soqutiginaateqarlutik. Kalaallit Nunaanni Naatsorsueqqissaartarfik ukiunut 2007-2009-mut kisitsisinik tamanut saqqummiussinissaq siunertarlugu 2010-mi kvartalit sisamaata ingerlanerani paasissutissanik katersilluni aallartippoq.

Inunnut atugarissaarnermullu kisitsisitigut paasissutissat

Inunnut atugarissaarnermullu kisitsisitigut paasissutissani innuttaasunut, isumaginnikkut pissutsinut, pinerlunnermut, ineqarnermut ilinniartitaanermilu kisitsisit ilanngunneqarput.

Innuttanut tunngasut

Innuttaasut tungaasigut sammisaqarnermi innuttaasut amerlassusaannut katitgaa-nerannullu kiisalu tikerartut aallarartullu pillugit naatsorsuinerimik 2010-mi tamanut saqqummiisoqarpoq. Innuttaasunut kisitsisaatigineqartut tamarmik 2010-mi nuunneqarlutik kisitsisaateqarfik aqutugalugu kommuninut, sumiiffinnut² piffinnullu agguataarlugit tabelinut immikkuualuttortalitsigut pingaarnertigut paasissutissiis-utigineqartalerput. Paasissutissat Kalaallit Nunaanni Naatsorsueqqissaartarfiup pigi-lersimasai tunngavigalugit tabelit tamakku sapinngisamik qangaanerusuneersunik immersorniarneqarput kommunit kattussuunneri akimorlugit tabelinik ataasiakkaanik aallerfigineqarsinnaanissaat pisariillisarniarlugu. Tassunga atatillugu najukkatut nalunaarsorneqartut tamarmik inuit allattorsimaffiini aqquserngit aqqi aqutugalugit immikkut nalunaarsorneqarput.

Kisitsisaateqarfimmi 1977-imiit inuit qassiineri takuneqarsinnaalerput, 1973-imiit qanga inunngorsimanersut qaqugukkullu toqusimanersut kiisalu 1993-imiit nutser-nerit aallararnerillu. Naatsorsuinerit arlallit suli amigaataapput, taakkunanilu inoq-utigiit ilaqutariillu pillugit tabelit 2011-mi salliutinneqarumaarlutik. Naatsorsuinerit taakku pitsaassusaat inuit allattorsimaffiisa eqqortumik najukkanut nalunaarsuisi-manerannut qanimut attuumassuteqarput.

Inunngorartunut toqusunullu kisitsisit siusinnerusukkut ukiup kisitsiffiusup tulliani ukiakkut saqqummiunneqartaraluarput, taamani nakorsaanerup naatsorsuineri taa-maalinerani aatsaat pissarsiarineqarsinnaasarmata. 2010-mi KNN ukiup aallartinne-rani kisitsisaagallartunik killiffik pillugu saqqummersitami saqqummersitsisalerpoq, tassanimi naatsorsuinerit inuup normuinut paasissutissanik aallaaveqarmata.

Isumaginninnermut pinerluttulerinermullu kisitsisit

Isumaginninnermut kisitsisit kommuninut aqqissuusseqqinnerup kommunit kontu-nut pilersaarutaannut allangortitsinerimik kinguneqarlutik Kalaallit Nunaanni Naat-sorsueqqissaartarfiup naatsorsuinerinut kinguneqarmata 2010-mi misissuiffigineqar-put. Kalaallit Nunaanni Naatsorsueqqissaartarfiup tassunga atatillugu isumaginnin-nermut kisitsisit ikiorsiissutinik tunniussinerit kisinneqarneranniit tigusaqartut qas-siunerinut kisitsinermut allangortippaa. Inuk ukiumi pineqartumi isumaginninnik-kut ikiorsiissutinik assigiinngiiaartunik tigusaqarsimasoq siusinnerusukkut marloriar-luni naatsorsuutininut ilanngunneqartarpoq; 2009-mut isumaginninnikkut ikiorsiissu-tit naatsorsorneqarnerat aallartiffigalugu inuk ataasiaannarluni ilanngunneqartalis-saaq isumaginninnikkut suliaq suugaluartorluunniit naatsorsorneqartillugu. Isuma-ginninnermut kisitsisit ineriartortitsinerimik taamatut suliaqartoqarnera pissutaalluni 2011-mi aatsaat saqqummersinneqarput.

2009-mut pinerluttulerinermut kisitsisit piffissami 2000-2009-mut pinerluuteqarsima-sunut aalajangiinerit tamaasa ilanngullugit kiisalu ukiuni 2000, 2002 aamma 2004-mi pinerloqqissimasunut inernerit ilanngullugit saqqummersinneqarput. Ka-laallit Nunaanni Naatsorsueqqissaartarfik tassani politiit kisitsisaataasa namminerlu kisitsisaatit annikitsumik nikingassuteqarnerat paasine-qarpoq. Taamaammat KNN

politiit suleqatigalugit qarasaasiakkut nalunaarsuisarnerup eqqortuuneranik tamak-kiisuuneranillu qulakkeerinninnissaq anguniarlugu suliniarusuppoq.

Ilinniartitaaneq Piginnaasaqarnerulersitsisumik ilinniarnert 2009 maajimi saqqummerpoq.

Tamatuma saniatigut Kalaallit Nunaanni Naatsorsueqqissaartarfiup suliffeqarfiit annerusut ilinniartitaanikkut suliaqarnerat nunanilu tamalaani naatsorsuinerup tungaatigut assersuunneqarsinnaasunik peqarnerat pillugit paasissutissanik katersaqarnera nangingneqarpoq.

MIPI Naatsorsueqqissaartarfiup pisortaa MIPI-p, Kalaallit Nunaanni meeqqat inuusuttullu pillugit ilisimasunik katersuiffik, siulersuisuini suliaqarnermut peqataavoq.

Suliffeqarnikkut kisitsisit

Suliffeqarnerup tungaatigut sulianut ilaapput suliffissaaleqinermut, isertitanut, suliaasaqarnermut, inuussutissarsiutit aaqqissugaaneranut, it-mut kiisalu aalisarnermut piniarnermullu kisitsisit.

Isertitat Isertitat kisitsisitigut nassuiaasernerat 2008 pilersaarutit malillugit 2010-mi marsip naanerani saqqummerpoq. Saqqummersitaq 2009-mi annertuumik misissoqqissaarneqareerluni isertitat qanoq ittuunerinut agguataarnerinillu takussutissartaqarluni siullerpaatut ataatsimoortumik saqqummersitaavoq. Aammattaaq kisitsisaateqarfik 2010-p ingerlanerani malunnartumik annertusineqarnikuuvoq, taamaalilluni annerusumik immikkuualuttortaqarnerulluni aallerfigineqarsinnaalerluni. Tassani isumaavoq kisitsisaateqarfimmi kisitsisinik ukiumoortumik saqqummersitsisarnermi suliaqarnerup siumut isigisumik ataatsimoortinneqalernissaat, taamaaliornikkut kisitsisit siullertut taaneqartut kingullermi saqqummersitamit aaneqaannarsinnaalissammata. Taamatut suleriaaseqarneq 2009-mut Isertitanut Kisitsisit suliarineqarneranut atatillugu atorneqartalernissaa piviusunngortinneqalermoq.

It Suliffeqarfiit it-mik atuinerannut misissuineq arlaleriarluni nukingisaaruteqartarnerup kingornatigut peqataasoqarpianginnera pissutaalluni unitsittariaqarsimavoq. Akissutinut takkuttunut naatsorsuinerit Aningaasaqarnermut Sulisoqarnermullu Aqutsisoqarfimmi it-mut allattoqarfimmut nalunaarutigineqarput.

Suliffissaaleqineq Kalaallit Nunaanni Naatsorsueqqissaartarfik suliffissaaleqineq pillugu 2010-mi sisamanik saqqummersitsivoq: Ukioq 2009 pillugu ukiumilu tassani kvartalit pingasut siullit pillugit. Suliffissaaleqinermut kisitsisit pilersaarutit malillugit suliarineqarsinnaasimapput, tassami 2010-mi kommunit paasissutissanik tunniussisarnerat isumannaannerusumik ingerlanneqarsinnaalersimammat. Nunatsinni kommunini sisamaasuni inuit pisortanit ikiorsiissutinik pisartagaqartut qanoq ilineratigut piffinni suliffisarsiuussisarfinni suliffeqanngitsutut nalunaarsorneqartarnissaannut ataatsimoortumik malittarisassaqaannginneq pissutaalluni suliffissaaleqinermut kisitsisinik suliaqarnermut tamanna suli ajornartorsiutaavoq.

Suliffissaqartitsineq Kalaallit Nunaanni Naatsorsueqqissaartarfik suliffissaqartitsineq pillugu saqqummersitanik marlunnik ilaatigut 2007-2008-mut, ilaatigullu 2009-mut tunngasunik saqqummersitsivoq.

Piniarneq aalisarnerlu 2010-mi KNN 2009-mut aalisarnermut kisitsisinik saqqummersitsivoq. " Ukiumi tassani kisitsisitigut tunngavissat iluarsaanneqarnissaannik suliaqartoqarpoq, suliffeqarfiit ilaat tunisaqarsimanerminnut paasissutissanik ingerlaavartumik tunniussisussatut pissaaffitsik tamatigut isumagineq ajormassuk.

2.6 Suliassat suliakkiisutaasut

Kalaallit Nunaanni Naatsorsueqqissaartarfiup 2010-mi suliassat arlallit avataanit aningaasalersorneqartut isumagisarilerpai.

Kalaallit Nunaanni Naatsorsueqqissaartarfik innuttaasut allanngornerannik aallaaveqartumik innuttaasut siumut naatsorsorneqarnissaannik aallaaveqarluni misissuinisamik Kalaallit Nunaanni kommuneqarfinnut sullissisimavoq, tassanilu toqusarnermut, kinguaassiorsinnaanermut kiisalu tikerartunut aallarartunullu innuttaasut siumut naatsorsorneqarnissaannik suliaqarsimalluni.

KNN aammattaaq 2006-imi aallartittumik Kalaallit Nunaanni ilinniartitaanerit suliffeqarnerlu pillugit paasissutaasinnaasunik arlalinnik kisitsisinillu pingaaruteqartunik ilaqartunik ukiumoortumik Kultureqarnermut, Ilinniartitaanermut Ilisimatusarnermut Ilageeqarnermullu Naalackersuisoqarfimmut tunniussaqqartarpoq.


Suliassaq suliakkiissutaasoq annertoqq tassavaoq nukissiuuteqarneq pillugu kisitsisit IAAAN-imut (Ineqarnermut, Attaveqarnermut Angallannermullu Naalackersuisoqarfik) tunniunneqartussa. Kisitsisit atorlugit nukissiuutiniq atuinerup malinnaaffiginissaa periarfissaqalerpoq, ilaatigullu Kyoto-mi isumaqatigiisummut naleqqiullugu Kalaallit Nunaat pisussaaffimminik naammassinnissimanersoq nalilerniarlugu CO₂-mik aniatitsinerup millisinnissaa eqqarsaatigalugu.

KNN tamakku saniatigut Kalaallit Nunaanni illoqarfinni nunaqarfinnilu peroriartornermi atugassarititat pillugit misissueqqissaarnissamut atugassanik ilinniartitaanermut paasissutissanik kiisalu *Brain Drain* pillugu misissueqqissaanermut atugassanik paasissutissanik Aningaasaqarnermut Naalackersuisoqarfimmut tunniussaqqarsimavoq.

Akilerartarnermut Atugarissaanermullu Isumalioqatigiissitap nalunaarusiaa ilaatigut allakkiamik Kalaallit Nunaanni isertitat isertitallu agguataarnerat 2007-mik imaqartoq Kalaallit Nunaanni Naatsorsueqqissaartarfiup peqataaffigaa. Kalaallit Nunaanni Naatsorsueqqissaartarfik aammattaaq Aningaasaqarnermut Siunnersuisoqatigiit suliaqarnerannut ilanngussaqqarpoq.

Kalaallit Nunaanni Naatsorsueqqissaartarfik tamakku saniatigut ilaatigut Greenland Development-imut immikkut ittunik suliassaqqartarsimavoq. Kiisalu KNN *Greenland in Figures* tuniniarnerat aqqutigalugu aammalu SAS-mut akuersissutinik tuniniaaqqinermigut isertitaqqarsimavoq. Isertitat agguataarnerat takussutissiaq 6-mi takuneqarsinnaapput.

Titartagaq 5 Isertitat suliassanut avataanit aningaasalersorneqartunut agguataarlugit. 2010



2.7 Naatsorsueqqissaartarfiup nunani tamalaani peqataanera

Nunat allat soqutiginninnerat

2010-mi Kalaallit Nunaanni Naatsorsueqqissaartarfik nunani tamalaani kattuffisuarmit arlalinnit saaffigineqarsimavoq. KNN assersuutigalugu NAFO-mut aamma ICES-imut kisitsisitigut paasissutissanik nalunaaruteqartarpoq.

Kalaallit Nunaanni Naatsorsueqqissaartarfik tamakku saniatigut nunat avannarliit suleqatigiinnerannut peqataasarpoq, 2010-milu *Nordisk Statistisk Årbog*-imut Nunani Avannarlerni Ministerrådimit saqqummersinneqartartumut paasissutissanik tunnius-saqarluni.

Ataatsimeersuarnerit KNN-imit aallartitat, naatsorsueqqissaartarfiup pisortaa, naatsorsueqqissaartarfimmi siunnersortit pingasut, siunnersorti ataaseq avataaneersoq kiisalu paasissutissiisar-toq, ukiut pingasukkaarlugit naatsorsueqqissaartarfiit ataatsimiinneranni Københav-nimi 2010-mi aggustimi ingerlanneqartumi peqataapput. Tamatuma saniatigut naat-sorsueqqissaartarfimmi pisortaasoq kingusinnerusukkut nunani avannarlerni naat-sorsueqqissaartarfiit pisortaasa Fyn-imi ataatsimiinneranni peqataavoq.

2011-mi nunani avannarlerni naatsorsueqqissaartarfiit pisortaasa ataatsimmiinnis-saat Ilulissani septembarimi ingerlanneqassaaq.

3. Tapiliusseq

Takussutissiaq 5

Kalaallit Nunaanni Naatsorsueqqissaartarfimmi sulisut 2009-2010

Ateq	Atorfik	Ilinniartitaaneq	Atorfiniffik	Soraarfik	Sulisoo-reernikut
Aalajangersimasumik sulisut					
Anders Blaabjerg	Naatsors.pisortaq	Cand.oecon.	Dec. 2010		
Lars Geraae	Souschef	Bach.oecon.	Mar. 2008		
Lene Baunbæk	Imm.siunnersorti	Cand.polit.	Feb. 2001		
Lars Pedersen	Imm.siunnersorti	Cand.polit.	Okt. 2009		36 qaamm.
Søren C. Bjulf	Imm.siunnersorti	Cand.sc.pol.	Sept. 2009		
Josef Kajangmat	Imm.siunnersorti	EVU	Aug. 2010		72 qaamm.
Najaaraq Kreutzmann	Naats.siunnersorti	Cand.scient.adm.	Apr. 2006		
Gitte Lynge Rosing	Naats.siunnersorti	EVU	Maj 2006		
Nielsearaq Mathæussen	Naats.siunnersorti	HK	Nov. 2006		
Johanne Kleemann	Naats.siunnersorti	Akademimerk.	Okt. 2007		
Søren W. Børgesen	Naats.siunnersorti	Cand.sc.oecon.	Nov. 2007		
Nauja Rosing	Naats.siunnersorti	EVU	Apr. 2008		
Nielsine J.Albrechtsen	Naats.siunnersorti	Akad.merk.	Apr. 2009		72 qaamm.
David Michelsen	Naats.siunnersorti	Cand.mag.	Aug. 2009		
Karl-Johan Olsen	Paasissutissiisartog		Okt. 2007		
Bolatta Vahl	Paasissutissiisartog	Cand.mag.	Okt. 2009		
Tanja C. Andreassen	Allaffiss.pisortaq	EVU	Feb. 2009		
Jakob Karlsen	Kontorfuldmægtigi	Allorianeq	Jan. 1992		
Per Lyster Pedersen	Naatsors.pisortaq	Cand.scient.	Nov. 2005	Nov. 2010	102 qaamm.
Gert Schmidt	Imm.siunnersorti	Mag.sc.soc.	Sep. 2002	Aug. 2010	32 qaamm.
Charlotte Lyberth	Naats.siunnersorti	HK	Nov. 2008	Okt. 2010	
Tiimimusiallit					
Arnajaraq N. Lyberth	Tiimimusialik		Nov. 2005		
Ulla Marie Christiansen	Tiimimusialik		Jan. 2010		
Aputsiaq Lyberth	Tiimimusialik		Aug. 2010		
Nauja Møller	Tiimimusialik		Jan. 2008	Jan. 2010	
Arnatsiaq Karlsen	Tiimimusialik		Okt. 2009	Aug. 2010	
Nivi Tronheim	Tiimimusialik		Jul. 2009	Aug. 2010	
Rasmus Stach	Tiimimusialik		Jul. 2010	Sep. 2010	
Nûnu Thorsen	Tiimimusialik		Jul. 2010	Okt. 2010	
Nive Berthelsen	Tiimimusialik		Aug. 2010	Aug. 2010	11 qaamm.
Ulrik-Jacob Lund	Tiimimusialik		Jun. 2010	Okt. 2010	2 qaamm.
Kuluk Lyberth	Tiimimusialik		Jul. 2010	Jul. 2010	1 qaamm.

Takussutissiaq 6

Saqqummersittakkat saqqummersinneqarnikut (pdf-fil aamma kisitsisaasivimmut pasis-sutissat). 2010

Aqqa	Ulloq
Ukiuomortumik saqqummersitat	
Greenland in Figures 2010	7. maj
Ukiuomortumik kisitsisitigut paasissutissat 2010	30. september
Aningaasaqarnikkut kisitsisit	
Naatsorsuutitigut kisitsisit 2006-07	26. marts
Naatsorsuutitigut kisitsisit 2008	31. juli
Pisortat ingerlatsinerannut kiffartuussinerannullu Missingersuutit 2010	29. marts
Pisortat aningaasaqarnerat 2009	6. december
Nukissiuutininik atuineq - eqqussuineq nioqquteqarnerlu 2009	1. november

Nunanut allanut niuernerq 2009 (kisitsisaagallartut)	31. marts
Nunanut allannut niuernerq 2010 kvartali siulleg	30. juni
Nunanut allanut niuernerq 2010 ukiup affaa siulleg	30. september
Nunanut allanut niuernerq kvartalit pingajuat	30. december
Imigassamik eqqussuineq 2009	30. april
Unnuisartunut kisitsisit 2009	31. maj
Unnuisartunut kisitsisit 2010 ukiup affaa siulleg	30. november
Timmisartunut ilaasunut kisitsisit ukiup affaa siulleg 2006-2010	30. november
Takornariaqarneq kisitsisinngorlugu 2006-2009	27. august
Akit nalingat 2010 1. januarimit	19. marts
Akit nalingat 2010 1. julimit	1. oktober
1. januar 2010-mit sanaartornermut aningaasartuutitut naliliineq	26. april
1. juli 2010-mit sanaartornermut aningaasartuutitut naliliineq	25. oktober

Inunnut kisitsisit

Innuttaasut 1. januar 2010-mit	22. marts
Innuttaasut nikittarnerat 2009	27. september
Isumaginninnikkut ikiorsiissutinik pisartagallit 2009	6. december
Pinerluuteqarsimasunut kisitsisit 2009	22. november
Inissiat inissiallu amerlassusaat 2009	9. august
Piginnaasaqarnerulersitsisumik ilinniarnert 2009	31. maj

Suliffeqarnikkut kisitsisit

Illoqarfinni suliffissaaleqineq 2009	29. april
Illoqarfinni suliffissaaleqineq 2010-mi kvartali siulleg	28. juni
Illoqarfinni suliffissaaleqineq 2010-mi ukiup affaa siulleg	27. september
Illoqarfinni suliffissaaleqineq 2010-mi kvartalit pingajuat	30. december
Aningaasarsianut kisitsisit 2008	29. marts
Suliffeqarneq 2007-2008	15. oktober
Suliffeqarneq 2009	3. december
Aalisarneq piniarnerlu 2009	30. november